

Kalaallit Nunaata Radiumi (KNR) siulersuisunut akissarsiaqartitsineq aningaasartuutinullu matussusiisarneq pillugit Namminersornerullutik Oqartussat nalunaarutaat

Radiukkut fjernsynikkullu aallakaatitsisarneq pillugu Inatsisartut peqqussutaanni nr. 3, 17. maj 1990-imeersumi, Inatsisartut peqqussutaatigut nr. 1-ikkut 20. februar 1998-imeersuklut allanngortinneqartumi, § 10, imm. 6 naapertorlugu aalajangersarneqarpoq:

§ 1. Kalaallit Nunaata Radiumi siulersuisut sulinerminnut ukiumoortumik akissarsiaqartinneqarput, siulersuisuni siulittaasumut 100.000 kr.-inik siulersuisunilu ilaasortanut allanut 50.000 kr.-inik annertussuseqartunik.

Imm. 2. Akissarsiat kingumoortumik qaammatikkaartumik ukiumut aqqaneq-marlungorlugit tunniunneqartassapput.

Imm. 3. Aningaasat imm. 1-imi pineqartut 365-erarterutaannik (1/365) siulersuisunut ilaasortap qaammammi ivertinneqarfiani siulersuisuni ilaasortatut atuuffimmini ullormut akissarsitinneqartassaaq. Tamannattaq atuuppoq siulersuisunut ilaasortap qaammammi tunuarfiani.

§ 2. Siulersuisunut ilaasortat KNR-imut sullissitillutik aningaasartuutaat, soorlu angalanermut, nerisaqarnermut najugaqarnermullu Kalaallit Nunaanni Namminersornerullutik Oqartussat tjenestemandiinut malittarisassat sukkulluunniit atuuttut najoqqutaralugit matussuserneqartassapput.

§ 3. Nalunaarut atortuulerpoq 1. april 1998, atuutissallunilu 1. marts 1998-imiit.

Imm. 2. Peqatigitillugu Kalaallit Nunaata Radiumut ileqqoreqqusat pillugit Inatsisartut nalunaarutaanni nr. 2-mi 24. januar 1991-imeersumi § 5 atorunnaarsinneqarpoq.

Imm. 3. Piffissamut 1. marts 1998-miit 31. marts 1998-imut akissarsiat tunniuteriikkat akissarsisitsinissami tulluuttumi iluarsiivigineqassapput.

Namminersornerullutik Oqartussat, ulloq 26. Marts 1998.

Karl Kristian Olsen

Namminersorlutik Oqartussat

Imaneq 4

3900 Nuuk

E-mail: nsninatsit@nanoq.gl

Linkit iluaqutaasussat

Kalaallit Nunaanni inatsisinut nalunaarutit

Namminersorlutik Oqartussat inatsisinut toqqorsiviat

Naalakkersuisut